

梅

里

詞

梅里詞

海寧朱一是近修著

同邑陸嘉淑水修訂

長水屠焯昭仲

西泠陳宗聖景行

姪文蔚美涵同評

中調

臨江仙

暮春憶別

垂柳方塘三月暮。海棠宿霧初收。石臺風暖藥苗抽。低頭花不語。應惟主難留。長短亭邊攜手別。阿誰送上蘭舟。花容人面總牽愁。夜歸猶有夢。不逐客飄流。

八月廿八日壽季超六十

白露晶晶凝桂馥。庭前秋色初紅。新荔香秣酒杯濃。對君拚一醉。雀髮各稱翁。不羨神仙瑤島住。人間行樂無窮。棹船策杖水雲中。一旬重九節。看菊又籬東。

陸水修日及時行
樂忙人挫過多少

曉泛

殘夜花香月滿船住也悠然去也翩然一帆春水散朝
烟山與雲連川與天連凝望平疇處處妍桃葉墻邊
柳絮溪邊韶華無奈逐離顏可惜前年又是今年

孫無言日首句

是絕佳曉景

朱美涵日前年去年無
限低回不在字句之內

唐多令

聽伊璫歌姬彈箏

別部出西巴。箏高半面斜。柘紅衫、易鬢橫鴉。促柱安絃。

聲。現。曉。似。鳥。語。隔。簾。花。

按拍點紅牙。知音顧不差。賽。

江。州。催。泪。琵琶舊識當年劉碧玉。應。惜。我。髮。生。華。

陳景行日全首

風情猶在結句

鳳樓梧

壽郭臯旭尊太君

王母西池遙降輦。青鳥傳牋綺戶湘簾捲。柱史堂前賓。

客滿翩翩舞影班衣轉。人羨林宗聲譽顯。進果投魚。

菊水酡顏淺。莫測仙齡修與短。弄珠樓望清波遠。

屠昭仲曰壽詞直如

此雅遠過辛劉矣

蝶戀花

程弘執在茲去疑上已招飲不赴東謝

六代三唐風雅絕。何處新篇。飛落陽春雪。布鼓逢逢里巷熱。雷門一過羣聲歇。謝鳳荀龍才氣別。碧柳緋桃。曲水芳樽設。老病春風心似怯。逃詩辜負蘭亭節。

攤破醜奴兒

閨怨

隔牕曾記拋紅豆。鬧裏如嗔。暗裏如迎。望斷巫山一片雲。也羅喜殺是乍逢卿。小樓同證三生笑。花底尋春。

月底尋盟私語聞千人不聞也。囉悔殺是認卿真。

陸水修日一喜一悔

見女性情可愛可憐

朱美涵日不必讀恨

之。雖一。章詩矣。

陳景行日畢竟是

真是假是喜是悔

漁家傲

湯題

湯喜風吹春色早。春風暗裏吹人老。老病一春花看少。
歸去好。綠陰又聽啼春鳥。客路落花人不掃。殘花片
片隨芳草。拚着踐泥難自保。愁渺渺。好春總到又過了。

陸水修日暗裏吹人老使人惛然
不必末句已有如駒過隙之感

蘇幕遮

辭鏡

舞雙鸞。飛獨鵲。金錯銀華。寶嵌崑瑤匣。潘岳少年曾照
着。辜負菱花相對。今非昨。眼難青。頭易白。縱是堅銅
磨久終消鑠。莫恠無情。常棄却。怕見偏盲。不免盲侯撲。
夏侯惇。傷左目。號盲夏侯。時始鏡。恚怨撲投着地。

青杏兒

閨中消夏

鵲翅動微颺。紅潮印午夢回時。層層衣摺水紗薄。纔臨
竹牖重尋。葡萄架又過荷池。香襪步遲遲。閒無語。觸景

鵲翅
扇名

陳景行曰。美人風致。春景秋
景。易寫夏景。難寫此却曲盡

定風波

訪琅亭師話舊

野寺疎鐘秋氣微。花臺香滿爽溪西。方外故人逢一笑。
難道閒身。猶着芰荷衣。詞苑名場爭鬪過。空嘆天涯。

何處可言歸。別去漁樵尋伴侶。誰許亭亭落日。向人低。

陸水修日難道

作疑詞妙甚

屠展馭日結句暗用劉長卿詩劉但言景此兼言情

醉春風

妓落藉

春去殘紅落。蝶蜂愁寂寞。閒情猶逐夢魂飛。錯錯錯。路柳飄花。園梅成果。驀然思着。鬢改。歲。蕤。綰。臂。脫。黃。金。鉏。禿。襟。窄。裏。內。家。衣。便。便。便。三。徑。桑。麻。五。湖。烟。水。尊。羨。菰。飴。

朱美涵日三徑五湖地位景
高勝老大嫁作商人婦矣

風中柳

自丹陽發句容道中卽事

何事驅馳僕僕雲陽西首舞寒烟路傍垂柳車前馬後
同逐紅塵走往來人惟吾衰醜城過瑯琊白兔鄉風
依舊就當釀聊沽村酒酒擎隻手一鉢除邊豆促征夫
暫停無久

陸水修日是道
路倉猝景象

行香子

村居

曲水廻塘高樹疎。篁狎禽魚朝夕機。忘隨時生活不費。
商量有水邊田。田邊屋屋邊桑。妻不姬姜子不膏粱。
似天然偕隱徜徉。負薪行路納稼登場勝釣臺嚴遼東。
管鹿門龐。

陳景行曰有此
境界人生至樂

雨舟過爽溪訪浪亭

怒雨淡更細。雨平明。濤溪舟向爽溪行。汀花媚曉樹鳥
啼晴。過橋鐘動。城鐘蜀寺鐘清。花散紛紛燈續沉沉。

雪鬚霜髮禮高僧。幾回惡夢無限虛名。一搬人隊。勞人醉散。人醒。

朱美涵日如
聽晨鐘醒夢

感皇恩

秋雁

玉宇淨。纖雲微風初度。似識天邊向南路。一人排字吹落哀聲。如許茫茫長夜冷。投何處。春往秋來。勞勞逆旅。亦有家鄉。不能住。月明猶可。怎禁風風雨雨。江湖歷盡也。須回去。

陸冰修日行役經年不住者
無如雁室久客者有此詠

青玉案

旅夜聞簫

嗶嗶鳳管聲清越。良夜靜。雪霄徹。殿脊西風添慘切。樓臺露冷。關山烟淨。吹得愁絲結。周侯伍相英雄絕。一般。是窮途苦磨折。應與玉人同怨別。秦娥孤宿。蕭郎無室。腸斷他鄉月。

史記周勃爲人吹簫給喪事

屠貽仲日周侯伍相乃同玉人怨別。如此言情可與讀國風小雅。

壽陳四知先生

黃花插髻新醅綠。看喜氣盈華屋。人道元龍高卧熟。仙
牛驂乘。文鸞傳信。並效無疆祝。四知不畏追前躅。夏
吟誦三冬用方足。翻覆棋枰看幾局。童顏兒齒。高巾寬
衷。物外辭榮辱。

陳景行日壽
言如此最脫

兩同心 用平韻

七里瀨

萬山秋曉。暗入仙源。撐淺瀨。卅舟閣閣。迷高嶺。樹樹。巖
飜空凝望。百代樽俎。一釣絲。往事幾度銷魂。祠宇

徒存伴寂寥。烟雲聚散聊。
嘯狐兔晨昏。關情處。臯羽
西臺。還有啼痕。

陸冰修日

琢語生新

千秋歲

壽詞

一經傳寶甲。第清卿好看世業。箕裘紹令公。香再接司
寇刑無擾。臨泰嶽。紫薇垣裏明星皎。官解南昌早。人
去東山杳。籬種菊。牕留草。渭濱垂釣逸。商嶠餐芝飽。徵
詔到。漢廷誰道申公老。

離亭燕

重逢閔未孩

記得玉京歸舫渡口桃花攜手共惜亂離年尚少那得
投閒白首如箭擲雙丸兵革東西奔走二十八年無
恙惟我塵顏老醜夢裏興亡綈半醒不了舊逋詩酒百
歲幾相逢同醉春前春後

陸冰修日綈半醒猶是夢中
實有此境非善愁人不解

隔簾聽

送春

恠殺風風雨雨相逼春難住春從客邸愁邊去料春在
家園留春無主自春到及歸時依依多是傷心處蜂
鬚蝶翅猶戀殘香樹銷魂橋上楊花舞紅粉淡圍白頭
窮旅送春苦比人別離尤苦

陳景行日漸近自然

非宋人無此手筆

朱美涵日調似

幼安却是宛轉

何滿子

立夏友人招飲郊外

刀○撇○尖○尖○玉○笋○盤○傾○顆○顆○朱○櫻○梅○雨○麥○風○颺○細○細○林○聲○

巧弄黃鶯。四野濃陰如畫。又看出紫珠雲。易通卦驗立夏初雲出紫

如赤。珠。供客誰家雞黍。新茶香賽金莖。螭烟嚶嚶斷砌。

裏。暮然聽着傷心。縱是良時初夏。可堪已近殘春。

傳言玉女

壽湖州司理

柳黛桃紅。睨睨鶯鳴二月。叟鳩童馬。遠聽歌聲接南山。
樂只天保九如。幾闌公堂春酒。家家懽悅。並道江南。
風雅誰行。擅絕澄清茗水。難比官人。潔明年此日。何處。
還瞻絳節。徵書一紙。壽言千疊。

祝英臺近

秋村

桂花發。籬菊綻。葉破梧桐樹。昨夜西風。颯。颯。聽微雨。曉
看一帶青山。幾灣藍水。好扶杖。沿途行去。久延竚。陌
上拂。裏花香。離離熟禾黍。秫稻先收。釀酒。名村侶。紫菱
青荳。黃菰。盤堆如許。此中樂。不嫌多取。

御街行

聽彈箏吹笛與查伊璜嚴修人論曲調新舊

錦堂春暖歌紅。瓊輕按拍。紅牙奏。奏。徐哀響出涼州。怕

聽繁絃終奏何人訂誤周郎年少又是山松授 挑燈

洗爵移蓮豆重抵掌黃昏後延年變調幾千秋曲譜時

時翻舊當年子尚風流已逝莫向朱生扣 子尚朱姓蕭齊善歌者

孫無言日用事巧合

蒲路花

夜聽子女琵琶

龍桐壓裏紅鸞响沉帷翠凝思含逸態慵如醉纔低念
抗霄雀三受喚關心綠底事掩抑淒涼背人幕地流淚
烏孫塞曲又是明君賽鳴匕彈薄命芳心碎青衫白

髮難了風情債。尚有知音在。也是朱生却逢絕調能解。
去聲○朱生古之善琵琶者

陳景行曰魯直耆卿多工于白描開心數語是也

醉思仙

重過慈感寺舟泊

記當時是低梁壓路。水遶紅樓。挾五陵年少同遊。春未
老人長醉。歌舞雪溪舟。到如今憔悴。不堪舊地飄流。
小艇逍遙夜。孤眠枕側。霜頭殘更醒夢。新月。鬼如鉤。馬
驪銑。彌衡刺。今拋却。莫輕投。聽春禽喚起。一帆縹緲滄

洲。

朱美涵日直起立
叙是柳屯田法

玉人歌

怨鏡

青銅鏡看婉轉金繩嫁時初繫雙鸞同舞曉畫遠山翠

裏星表日光華異

東方朔傳表如日光裏如衆星蓋言鏡也

寶嵌珠臺麗到

如今冷落菱花朱顏愁對孤影難迴避何處辨妍媸

只憐憔悴不炷芳心偏焰眼流泪封侯曾未教夫婿還

向鏡中語問歸期不應驀然投地

沮渠國貢火鏡人語鏡中響應見拾遺記

梅里詞

海寧朱一是近修著

同邑陸嘉淑冰修訂

長水屠達展馭

西泠陳宗聖景行

姪文蔚美涵同評

長調

滿江紅

元旦感遇

霄漢晴雲收拾去。隔年風雪看梅柳。江春作意柔條堪
折。衣履逢迎隨處喜。鼓吹徐疾誰家熱。問先生何事老
寒溪。偏愁絕。舊風景。新時節。身似寄心如結。縱天高
地濶。能容披褐妻子重添。今日累文章。多是他生業。對
椒盤。強飲一杯酥。歌聲咽。

陸水修日一氣渾
成妙在不雕琢

村居

幾處烽烟畱隙地。枌榆無恙容老子。閒閒十畝妻孥相
傍。蘆葉秋風黃。雀到桃花春雨青。鱗上挽隣翁。三兩醉。

村醪俱呼丈。卜晴雨。山頭望。伺饑渴。田頭餉。聽朝朝。
暮暮。蛙鳴禽唱。代步溪中。蘭桡艇。扶身郊外。簾條杖對。
親朋禮法太生。踈須相諒。

陳景行曰。禮法生。
踈正是村居之樂。

自壽

甚矣吾衰。經三十餘年。奔走休重。問遭逢。順逆容顏妍。
醜家計。浮沉洪水裏。世情冷煖。嚴霜後。傀儡當時浪哄。少
年場。今稱叟。居客裏。俄還久。書切後。無還有。遠籬門。
幾樹。連梅。潛柳。病渴貪烹龍井。茗量低懶。造中山酒在。

水邊林下話漁樵多良友

朱美涵日

自寫烙

屠展馭日一
起欲過幼安

自嘲

嗟汝無端改朱顏。星星頭髮再休論。身謀蹭蹬人情冷。
落爲惠爲夷。渾不定。學仙學佛終拋却。悔從前似鐵點。
洪爐多成錯。胡不賣成都卜。胡不施咸陽藥。但蕭然
負耒南阡北陌。一劍身閒難報德。千金橐去多虛諾。昆
無聊。殘夢五更鐘。思量著。

孫無言曰一劍二語

熱腸人偏有此憾

壽陳申父先生八十

黃髮皤皤東風醉玉壺春酒。比前人周師尚父漢儒申。
叟玉樹森森光焰砌。蘭蓀拂拂香盈畝。德功言三立著。
平生如山斗。皐蘇法流恩厚。召杜政馳聲久。自懸車
洛下耆英皓首。圃內常栽君子竹。門前更植先生柳。看
青牛白鹿到華堂。皆仙友。

長亭怨慢

顧菴久客同在吳興聞內訌遄歸寄謝

纔共聽春鶯巧語。黛柳緋桃。溪山賓主。酒聖吟狂。平生
傾倒。忘羈旅。望州橋下。忽。疊唱渭城雨。咫尺是華亭奈。
黃耳傳音。帆飛極浦。美詞場絕調。變柳影。張同數如。
今去也。遮莫是白頭吟苦。對菱花鬢。翼雖分。還堪慰庭
前瓊樹。盼鵲首。西來前度詩題重補。

屠昭仲日典切

鳳凰臺上憶吹簫

新安中秋同潘雲從步月河西橋明早雲從卽

發

桐碧凋風。桂黃含露。客懷愁絕。新安正三星。踈落皓魄。
高寒。棋酒良朋會合。歌彈欵幸。含盤桓。同攜手。河橋月。
冷。人影闌珊。更幾鼓吹一派。那村兒鬼面醉裏喧闐。
徽俗是夕。城內外雜遯共憶故鄉江北。誰共追懽聚散。
觀演月明度柳翠故事。
雲烟無定。問征楫。又在河干。傷心處來宵好月。獨看巖
灘。

陸冰修日河
橋二句如圓

滿庭芳

訪丘維正

紆路林深短垣籬淺幾間茆舍低簷懸懃攜手白髮着
黃冠別後寒溫莫叙同憐念老醜容顏慰饑渴盃茶盤
菜麥飴勸加餐樵山遺釣水生涯澹泊頑子嬉然向
兵烽喧處隙地偷安休問少年往事銷沉做暮雨朝烟
度餘景春來秋去忘却曆何年

陳景行日亂後相
逢舊識情懷歷々

又贈維正

追數平生棄繻投筆西南一戰成功投壺官舍馳獵灞
陵東石虎醉中當路官輕讓猿臂英雄遭時變拯民水

火訶頌樹碑豐。兵烽傳海角。逢萌解綬。梅福潛踪。伴
耕耘田父。樵採山翁。縱是廉頗善飯。再休說躍馬彎弓。
嘆吾輩。儒冠空老。同感夕陽紅。

陸水修日維正命。戚流亞潔身。奉母出處
大節凜然。此詞雖數十字。寫其生平畧盡。

姜子翥索贈澹衣少君步龔大司馬韻

雪調才人。水姿名色。柔情嫵婉。堪憐玉臺金鏡。春曉
眉妍。幾度凭欄步砌。魂消處。月下花前。彈棋罷。挑琴弄
笛。雕管寫詩牋。詩牋酬唱好。班姬謝媼。接踵隨肩美。
少微高士。貝闕嬋娟。遠勝茗溪松老。雙荷葉。同伴蒹葭。

傳佳話。更生列女。娓娓紀他年。

朱美涵日彈棋數
語寫出柔情慧性

水調歌頭

過康郎湖遙弔忠臣廟

帆掛鄱江雨。晴午泛康郎。蕭蕭風緊天曠。雁影動寒光。
五老雲濃峯暗。萬戶水浮山沒。空處一茫茫。髣髴忠臣
廟。魂魄老湖傍。同心侶。三十五事戎行。誰強誰弱。拚
死當日識興亡。劉項稱雄王霸。信布爭功人狗。荒渚獨
烝嘗。傅李人皆惜。吾更惜徐常。

萬戶
山名

曉水修日雁影空處二語

詩中佳句却是入詞更妙

屠路仲日雲臺烟閣不可復問徐常與傅李等耳不當獨爲傅李抱信布之痛感託尤到

瓊瓏四犯

字句長短按姜堯章譜與周美成不同

和劉伯溫原韻

不料蹉跎何堪偃息年華銷過半夜寒眠獨客海角孤
館枕邊怕聽候雁哀聲被風吹亂往事心頭前程夢裏
方寸愁占滿相知幾逢青眼見黃花憔悴紅葉飄零
冰霜攢恨聚砧杵驚魂散關河渺渺干戈擾更何處荆
州依柰梁父空吟聽并沉早晚

陸水修曰伯溫受知于石抹宏孫守處事敗原詞必此時所作中云歲序如何江山若此贏得霜髯滿又云汨隨黃葉下事逐浮雲散又云問誰是登樓王粲其感慨淺矣身世茫茫眷懷知己英雄失路情事大畧相同

欠菴說日子嘗見元人如此江山圖斗南清江諸公皆作感慨語唯景濂作慶幸語蓋洪武二年也元美頗謂景濂出處尤勝伯溫景濂所見者大不知伯溫正復爾其馳驅石抹之心卽輔翼金陵之心也英雄志在濟時耳近見虞山所論又似別有寄託

倦尋芳

維揚遇閹賊舊經龍四有感

無端落汨夢醒槐柯驀地回首那更佳人渾似落花春

後鴉髮會隨鵝鵲列鳳鞵長跨驊騮走恣懽娛記飛在
楚朝酒浮金斗眼中見戲場王霸棋局河山終是空
手也算傾城一樣談資人口榮悴形如霜後草興亡身
似風前柳對新知說當年始終分剖

陸米修曰此樊川杜秋詩也樊川感惜全在杜
秋此詞却不在鼂四知此意方許讀此詞矣

又

追論往事地陷天傾運值陽九憔悴西施花草吳宮同
首侍宴悲聽凝碧曲射生笑逐華林走也只算是巾黃
眉赤銷歸烏有縱教是傾城一顧成敗須臾何用歸

各重醉江南。春色飛花舞柳西。楚虞兮。其一。最。姬。昔。
日。原。非。偶。羨。英。雄。官。鍾。情。弔。烏。江。口。

陳景行日爲最姬解
嘲并爲項羽生色

入聲其州

饒州過淮府舊基

儘金枝玉葉逞繁華。駒隙過居諸。見當年宮殿連雲擎
日。鳥華。翬飛天上。仙音調曲中。使選名姝。別館章華。二
花石爭奇。更。是。蕭。樓。梁。苑。正。禮。供。申。穆。筆。競。鄒。枚。嘆。
一枝林杏。難。在。屋。渠。渠。泣。王。孫。路。旁。芳。草。碧。澄。江。片。瓦。

斷琉璃。悲涼月黃昏。人靜。鬼哭。狐啼。

朱美涵曰

結句慘極

應天長

登北固山懷古

碧山如画。銀浪金風。空濛動搖紅日。鐵甕孤城。百尺斜
橫。遠天立。興亡事。思夙昔。看此地。蜀吳陳蹟。記當日。曹
瞞同却。坐籌狼石。不住大江流。時見英雄。赤手橫刀
戟。聞道伯符年少。還驚寄奴出。問餘子。誰與匹。空畫斷。
東南半壁。無窮恨。白草寒烟。至今蕭瑟。

孫無言日未句感慨
只尋常語其情自淡

看花廻

題滕王閣

江城天淨風暖。青浮山黛。恰好遊龍流水。向金碧魏樓。
登臨成隊。舟橫南浦。章貢滔滔流檻外。東望去。九派空
濛。鄒君浪洗匡廬背。追往事。筵開賦賽。豈真是縱橫。
絕代。今日馬當神倦。任飄泊才人。帆風不再。缺長髮短。
好景何堪。老眼對練飛雲。簾捲雨。慣使客心碎。

屠展馭日鄒君一語
是李賀詩中警句

贈虞子雲

靈禽喜信初報。紅牋聯接。見說曲江題雁。擅才子香名。
鳳城雙闕。寶鞍金勒。躍馬春飄。花似雪。得意處。詩句奚
囊。少年人。羨風流絕。記得是。山雲閣。月同知。已情淡。
腸熱舊日。驚人詞賦。只半壁旌旗。羣雄心折。西園北里。
社飲。懽娛。醉未歇。五車書。三。尺劍。抵掌。千秋業。

陳景行日
結句豪邁

漢宮春

蘇城同查伊璜陳冰遠吳長庚諸公觀羣姬演

劇

桃李春城。夏。画堂錦幃。珍錯排筵。銀燭金樽相映。雜坐
追懽。梨園嬌舞。串珠喉。象板朱絃。傳樂府。雪兒慧性。教
師好手。延年。顧曲周郎已逝。嘆風情老去。吾輩頽然
少年。曾記遊冶。駿馬揚鞭。酒鑪花市。鄰千金。長夜畱連。
今日。逐諸公。買笑。重尋夢裏邯鄲。

陸冰修曰。邯鄲夢醒後。必
復悵然。作者似已會得。

黃河清悞

丙午七夕立秋

綽報星娥雲輦整。又迎白帝新轍。此夕佳期誰擇。皆因
天設。湯道一年一度。恰分外相逢親熱。人間天上。忙忙
賀良緣。還須觴節。穿鍼結縷紛紛。知今歲天孫巧多。
無拙。初到。奉收管領。銀河風月。料得流連永夜。纔回駕。
秋飄一葉傷秋。猶可奈。更是臨歧傷別。

暑路仲日語。切
題工巧不可言

催雪

贈歌者

虞簪飛塵秦歌振木。徵理從前。莫測聽欲寂。還飄縹緲揚。

隨抑恰好吐羽含商與玉簫牙板諧徐疾數聲入破緊
風亂雨滿堂吁咈何日曾相識似老大何哉名畱風
昔媿顧曲郎君重逢頭白指授少年弟子諧樂府新聲
工協律且眼底逐隊懽娛不許青衫偷溼

朱美涵曰微理莫測滿

堂吁咈聲音之神境

孫無言曰青

衫句翻得好

絳都春 第二體

菰城春盡夜雨因而感遇

影孤燈暗正寸腸吟斷瀟瀟聽雨亂點疎簾漏永沉沉

偏羈旅晴花不向芳郊覩愁一霎飄零春去山中白雀
湖中白蘋憶經行處誰主心雄髮短似飛花雨後廻
風依樹善哭嗣宗善笑士龍狂無取須歸學荷耒老圃
鳥啼燕語聽朝暮明年此日吟詩畱春多住
白雀寺名
白蘋洲名

陳昇行日飛花雨後廻風依樹寫感
極深再四咏之亦當是唾壺盡缺

太州第一

贈李玉潤新號半耳

三漏三門長過數寸聞根豈在耳畔
麤續收聰雷霆絕響畢竟虛靈不斷
惟爾多聞甚湧道惟聰聽遠老慈天

真。禦。囂。守。寂。耳。聞。一。半。世。上。流。哇。千。百。變。怎。能。使。至。
人。淆。亂。我。惡。察。淵。僅。存。隻。眼。秀。鬚。如。丁。掾。暫。同。君。屏。聞。
見。隨。餘。景。癡。頑。偃。蹇。誰。料。真。聰。聽。無。聲。軋。坤。皆。遍。

陳景行日以隻
眼焰半耳趣絕

陸冰修日枯題絕無可發揮馳騁義識縱橫反覆如
讀雲笈及諸書更無一腐語絡繹名句才人之致如此
夫豈
易及

曲遊春

漳河甲曹孟德

片帆搖岸影。正暮颺金冷。秋漢銀瀉。古樹啼鳥。又荒臺。

落雁纖纖雨。灑何處西陵路。尋疑塚荆榛蔽野。千年銅雀飛飛美人總帳難捨。辛苦圖王定霸。兼橫槩英雄。弄筆風雅占盡便空便分香。織履那論真假。歌吹諸姬歇。還只似二喬少寡。可嘆勝蹟銷沈。空傳研瓦。

陸水修曰昔人以銅雀春深之句爲詩人雅語如此觸感殊令人慨然

屠昭仲曰陸士衡唐太宗兩人魏武知已也得欠菴而二矣

念奴嬌

步呂半隱吳山超然屋攬西湖之作

春光如許。正佳山佳水。圍青浮綠。西子西湖真一樣。國

色天然炫日。桃柳香隄。笙歌画舫。士女來遊。續聲飄影。
動六橋隱。徵逐。身在百尺樓頭。凭欄遠眺。空翠紛
相屬。城郭高低。斜暎帶如抱。雲居林麓。趙帝遺墟。錢王
剎祀。野草驕驢。牧悵涼夕。焰雷峯。寶叔南北。

前題

振衣長嘯。撫濃陰綠樹。崇臺峭壁。縹渺西陵。歌舞處。風
送笙簧。徐疾花裏紫驢洲。邊青雀影動。湖光碧。良辰勝
地。芳華遙攬。山隙。何處萬柳千桃。蘇隄買舫。繁盛思
疇昔。却把杭州移作汴。今日都成陳迹。門外清波。祠前

宿草牧馬寒烟夕。好春辜負。暗中偷換頭白。

屠展馭日夢華錄寄感極淡更無繁語
讀杭州移泚數語勝讀前後武林舊事

上已後二日陳陸又招同諸公遊峴山卽事

東風桃柳羨郊青。陌紫重山圍水。主客飛觴同買醉。棹
入繁香花裏。險渡飛梁。方庭疊石到處園亭美。登高孤
眺羣公躡武無幾。自古修禊山陰。重逢此會。令節絕
過已。白首餘年。畱逸興。星聚賢豪。千里卜夜。畱連高燒
銀燭。分韻歌聲起。白蘋洲畔。一簾月浸波底。

屠胎仲日老
子興復不減

陳其年見招同李研齋宋荔裳方樓岡諸公集

韓園分韻

小春過半。正紅深林葉黃。殘籬菊。傍郭樓臺。烟樹裏。彷彿玉津金谷。妓挾東山賓。投北海花下。樽浮綠。揮毫逸興。明珠搖落千斛。檻外碧柳朱橋。幾回凝望。感慨霜頭禿。十載揚州驚夢醒。潦倒重來杜牧。年少風流老成。耆舊到處相徵逐。孤舟朝發。陽關又聽悲曲。

揚州先歸酬顧菴西樵諸公見懷之作

聚星千里正豪吟。痛飲追懽金谷。無奈渭城驪唱早。明

月清江獨宿。鐵甕山楓蘇臺畔。柳暗逐離魂。速三秋一日。采蕭詩句愁讀。歸去躬率妻孥。納禾滌圃綠。敢驅黃犢。寒雁江魚傳錦字。爛熳堆盤珠玉。蘇李河梁。高王酒肆。絕調人誰續。強酬來句。寥寥難寫心曲。

木蘭花慢

秋感

看梧殘菊瘦。楓葉遍染林丘。又蛩語虛庭。雁哀遠塞。孤館兼收。砧聲暮連画角。惟無端攢恨占睂頭。幾夕雨多。溪漲約人清汨同流。稜稜霜氣割肌柔。倩誰熨寒稠。

念。啖。餅。題。糕。總。過。重。九。便。隔。中。秋。情。知。令。辰。不。再。只。須。
更。冰。雪。歲。難。留。排。悶。強。裁。秋。興。傷。時。杜。老。吾。儔。

陸冰修日啖餅題糕一段令人有
如梭似箭之感安得魯戈揮日

拜星月慢

丙午夏仲萬歲樓公讌卽事

牖納薰風簾遮朱燎萬歲名樓展席四美二難逐懽娛
終日繞梁調試演梨園子弟一派吹笙鼓瑟舊曲開元
是李暮偷得美周郎顧誤今誰及更無奈浩嘆偏當
食辜負北海擎樽共南皮載筆感飄零不定烟霞客解

煩襟如被涼吹拂。看長宵皎月。繽紛焰元規。譙集。

陳景行日用當食語錄令人
慨然勿得作尋常語讀過

水龍吟

金陵感舊

句讀參
差小異

秋寒山雨淒淒。江城舊識長千里。秦淮葉渡。青溪花巷。
朱扉夜啟。一擲爭雄。千金買笑。繁華逝矣。嘆從來興廢。
前王後霸。也不過空悲喜。天塹幾曾飛渡。暢懽娛醉。
眠未起。井中妃嬪。門前兵馬。相尋不已。蕭索秋風。鳳空
臺上。燕辭堂裏。到而今。惆悵行人。清泪落如鉛水。

朱美福曰似有悲
風。風。已從紙上山。

屠展眼日城詩當時自笑張而華不
知門外韓擒虎是井中數語註脚

齊天樂

重過錢栢園草堂感賦

草堂几榻依稀記。堪憐白頭還到。回壁塵多。書臺辭厚。
落盡舊題墨妙。張燈肆席。見童僕婆娑。當時年少。雞黍
慇懃。廿年庭月還重照。亭亭羣紀玉。立德星。今夜聚
俱是同調。在座有栢園二賦就十年。升菴十字多作平
予及弟雪韓詩成七步。午夜縹緲互較。雷連良會。問此後何時再來。

懽笑可恨村鷄無情催別棹

昭仲日妙在語匕確是
重過觸景非泛然感慨

綺羅香

采石磯弔常開平再謁李太白祠

楓葉山紅蒲花水碧萬里一天秋色獨石橫江俯視艤
艤掛席看堅壘憑險橫戈是飛將凌空破壁羨當年一
戰成功至今野老動魂魄平岡東去一里更謫仙名
勝舊祠題額飲酒吟詩豪氣眼前彷彿將風雅軟紙柔
毫匹英雄長鎗大戟擅長處知己相逢比隣同血食

陸水修日太白永王東巡自是欲有所爲耳靈武劫
成後永王自無他生活方接此時永王何罪率合開
平使太白千載
下猶爽々生氣

喜遷鶯

懷王言遠任山右

東風初暖正杏蕊紅微柳條黃淺海角梅溪天邊薇省
水水山山人遠飲酒吟詩時候對月臨風晨晚應共憶
憶晦明風雨泛舟乘寒 繾綣年少日杜李詩名班范
文名顯一度滄桑幾年兵火鏡裏同搔髮短澹泊官厨
滋味兩襲清風攜滿且暫假假春庭畫錦別情同展

花心動

爲俞右吉題

誰奪天工寫長綃。風流丘壑如許別是衣冠。秀目豐頤。
丰骨錚錚軒舉。依稀高隱鹿門。老更買屋簷湖西。住還
堪羨。長編史料千秋分與。細看鬚眉楚楚。豈念往悲。
來含情無語。瓜種青門。藥施去聲灞陵。賣卜成都遙去。同
情落落晨星少。誰同泛舟洲。波渚關情處。一葉秋風殘。

暑。昔六月
廿五日

孫無言日情寄

渡處騷人之遺

二郎神

登燕子磯秋眺

岷嶷萬里渺渺水流東去。指遠近關山參差宮闕。起滅
長空烟霧。南望滄溟天邊影。辨不出微茫盡處。嘆三楚
英雄六朝王霸消沉無數。真個長江天塹。飛艇難渡。
自玉樹歌殘金蓮舞罷。倏忽飛鳥走兔。燕子堂前鳳凰
臺畔。冷落丹楓白露。但坐看狎鷗隨浪漁父扁舟朝暮。
陸冰修日王介甫金陵一詞擅絕千載得欠卷此閱不得專歎半山矣

一萼紅

過于墳

惟○秋○風○在○傷○心○切○處○謾○
聒○響○寒○松○斷○砌○殘○碑○頽○簷○古○瓦○
荒○墳○白○骨○英○雄○赤○手○握○山○河○重○固○寧○自○惜○頭○血○濺○裴○弘○
怨○鳥○悲○猿○却○遶○愁○客○同○哭○山○空○
遮○莫○人○間○天○上○雲○旗○
風○馬○縹○緲○無○踪○滄○海○桑○田○又○經○一○度○忠○竟○何○處○相○逢○應○
復○共○西○陵○少○保○錢○江○上○伍○相○怒○濤○中○爲○甚○干○戈○徧○地○一○
訴○蒼○穹○

陳景行曰神情悲

壯不在詞句中

一寸金

與柳耆卿詞異

辛丑閏七夕

良會經年。今歲銀潢喜重渡。看闌干。河鼓來迎。靈駕無。
多。睽。隔。離。情。未。訴。并。少。寒。溫。語。知。懽。會。尤。勝。平前。度。惟。
人。間。散。粉。陳。瓜。巧。中。尤。巧。心。難。足。此。夜。方。平。還。同。王。
母。羽。輦。投。何。處。料。飛。鳥。易。鵲。未。豐。毛。翮。駕。橋。恭。賀。天。孫。
奇。遇。但。中。秋。隔。月。數。佳。期。美。人。遲。暮。看。雙。星。去。來。
不。免。端。娥。妬。

朱美涵上閏一七夕則中秋更遲一月矣所以生
端娥之如前人曾道之却是泛常如七夕便無謂
屠昭仲日巧中尤
巧誦世人不淺

蘇武慢

贈呂半隱

釣老嚴灘。卒投梅市。何事棄名如屣。間關蜀道。棲泊吳興。高躅千秋繼起。栖遲斗室。陶徑龐門。偕隱無嫌妻子。盼鄉關。處處烽烟。久客便如故里。縱教他功業。疆場姓名臺閣。何似筆牀書几。荆關一幅。李杜千言。花月閒尋山水。枕畔黑甜。樽前軟飽。過客無非黃綺。便署銜大隱。何慚半隱。那能如許。黑甜睡也。軟飽醉也。見東坡詩。

孫無言曰。久客如故里。非深于客者。不知非善爲客者。亦不知。

陸水修日結句巧
矣不失之尖故佳

霜葉飛

漂母祠

古祠寂莫洪河外。關情長嘆何已。北來南往客。停舟聽
長年閒語。道一鉢王孫可喜。毋無姓氏。傳青史。見環珮
珊珊。又老屋陰飈暗動。敝幃吹起。多少失路英雄。西
風落日。惆悵難遇知己。王侯已逐暮烟空。獨祠臨流水。
更。可。恠。淮。陰。遭。際。憐。才。進。食。忌。才。歟。他。日。重。逢。呂。雉。成。
敗。功。名。嬾。人。終。始。

陸水修日全首已極感旣一
結出人意外尤快人心口
屠路仲日嬾人終如使
劉季蕭何見之愧歎

丹鳳吟

贈嚴旣方

三十年前蘭譜彩筆詞場珠璣搖落尋盟論去聲舊意氣

季心一諾甘陵北部林宗東國浩渺江河羣流歸壑更

喜嶙峋砥柱羽隱鱗藏歸卧匡床東郭彼此頭顱匪

昔夢同酒醒重思不聲昨攜我南郊去看青山流水風期

花約白頭更有幾個弟兄酬酢喜得狀元歸定省似神

仙行樂莫嫌老子尚被裘帶索

陳景行日結句
占地位不小

沁園春

題吳蘭茨太守悠然閣時新種木芍藥限一先

韻

桃柳菰城。苔雪分流。境闢神仙看朱旛。領府西京良吏。
青樽合座。東閣英賢。洗墨池頭。愛山臺上。幾度徘徊往。
復旋登高望。更繁紅。澹碧芳景悠然。主賓酬酢畱連。
正芍藥新栽。吐萼妍。問魏姚顏色。馬班詞賦。誰優誰劣。

應。妬。應。憐。勝。地。良。辰。名。花。佳。客。太。守。風。流。收。拾。全。情。多。
處。只。青。衫。白。首。感。慨。當。筵。

朱美涵日琅中金石知燕集
之詞改之竹屋諸公終是粗格

淅溪中秋對月書懷

野。曠。天。高。白。露。無。多。樹。葉。初。零。正。飛。鴻。哀。怨。雲。邊。字。影。
候。蟲。泣。訴。堦。下。機。聲。亦。有。清。樽。不。堪。白。髮。同。焰。寒。光。一。
片。明。薄。醉。後。將。欄。干。倚。徧。遮。莫。二。更。村。居。自。可。陶。情。
喜。無。恙。溪。山。在。釣。畊。且。西。牕。聽。竹。屏。兒。課。業。東。園。鋤。菜。
披。煩。隨。行。白。芋。紅。菱。紫。蟹。黃。雀。麥。餅。鄉。風。肖。月。形。誰。知。

已想嫦娥皎潔應鑒平生

陸水修日舊不傷別其體氣自高子瞻瑤樓玉宇之句使值猶主當以爲怨望矣何如此結足稱

周元亮席上賦

建業名都秋老江濱客怨西風值東山着屐筵開堂內
南州下榻興發杯中月掛高城霜凝滑路投轄留連意
正濃催詩句恨風燧燭短急就難工喜逢吐握周公
叟白髮相看感慨同且品題圖回藝皆摩詰交遊湖海
士是元龍燕子磯邊鳳凰臺上明日攜樽許過從閒憑
弔殘雲楚岫落焰吳宮

屠展取日一結
感僥百端交集

賀新郎

讀陳景行扇頭詞喜賦兼懷家美酒

水秀西冷碧抱錢塘。胥溝雪捲山川盤結。甲第連雲看
濟美才氣日空今。昔夏獨占高樓百尺。誰道元龍湖海
土。却雕蟲彩筆。工無匹。似雅奏鳴金石。詞壇誰共聲
洋。蓋是吾家昂駒汗血。絕羣超跡白眼途窮。悲大阮賴
有阿咸。英特期萬里扶搖奮翼。似爾才華真二妙。比鳴
崗梧鳳同棲。息秦柳友蘇辛敵。

層閣仲日
高勁朗切

賀何巨五新婚

水合鴛鴦浦。傍高城。牙樨錦纓。朱樓烟雨。棒燭煌煌。張
綺宴。席上文鸞交舞。但記取。莫愁十五。婿是韶齡。顏似
玉。便何郎傳粉。那如許。合懽樂。應重諧。紫萸黃菊。開
芳墅。恰相逢。良辰好景。金風玉杵。圓閣粧臺。初倚鏡彩
筆。雙眉螺嫵。似秋月。嬋娟楚楚。又說碧霄能跨。鳳比風
流。蕭史秦樓。女人共羨神仙侶。

陳景行日風韻輕
鮮如花凝曉露

酬程弘執送別長調時余將適山左

春水揚帆早。傍茗溪紅塵紫陌。綠陰青草。昨夜薰風吹。
漸暖楊柳河梁。烟繞問別去前程多少。湖海茫茫飄一
葉。盼鴻魚千里書傳杳。加餐飢身須寶。百年若個同
懷抱。遇知音高談李杜。羞稱郊島。意氣雲霄共投袂。肝
膈平生傾倒。題詠徧三春花草。峴樹洲蘋無展景。最堪
傷。征馬催霜曉。渭城曲歌偏好。

朱美涵日纏縣情
緒不減河梁之詩